

通玄真經卷之四

寶四

老子曰道至高無上至深無下上于無上下

符言篇持者契也言者理也故因言

謂與

老子曰道至高無上至深無下上于無上下

乎無下故能高能深能上能下也平乎準直

乎繩非衡能平無處不夷非繩能直無處不

正圓乎規方乎矩非圓能圓而無圓非方能

方而無方包裹天地而無表裏其大無外其

細無內洞同覆蓋而無所礙大圓無涯大通

無滯是故體道者不怒不喜其坐無慮寢而

不寤見物而名事至而應前已解

老子曰欲尸名者必生事事生即舍公而就

私尸主求名者必有事事生即不和故令去

名而就公倍道而任己見譽而為善立名而

為賢信皆也皆道析舉非善之善趨俗求名

非賢之賢也即治不順理而事不順時治不

順理則多責責不順時即無功順理則用心

察而成事大逆時則用力多而見功鮮安為

要中功成不足以塞責事敗足以滅身要譽

此效求合時者功未濟物敗以及身也

老子曰無為名心無為謀府無為事任無為

智主藏於無形行於無息不為福先不為禍

始動不為主則無形無形故無將定之禍唱

而方應則無息無息故無未來之禍也始於

無形動於不得已欲福先無禍欲利先遠害

治未兆之事則為福絕非常之利則無害也

故無為而寧者失其所寧即危無為而治者

失其所治則亂失所寧者謂捨內寧而外求

寧則固矣失所治者謂遺身而求治人則惑

矣故不欲碌碌如玉落落如石謂玉石分而

爭奪生其文好者皮必剝其角美者身必殺

甘泉必竭直木必伐物有美而見害人時名

而召禍華榮之言後為愆先聘華詞後招身

禍石有玉傷其山山不誠實必見墜人不慎

言必招禍黔首之患國在言前黎民所以蒙

禍其妄議國家典法之言故也且君子戒戒

尚亦三城小人騰口得下招禍也

老子曰時之行動以從不知道者禍為禍時

之從動以行不知道者以福亡夫聖人治道

先知存亡勝料得失故節卷靡定寵辱不驚

方獲終吉以保其身至於昧者多承福而作

成故福極而禍生非禍福相傾乃動用之乖

分耳天為蓋地為軫善用道者終無盡地為

軫天為蓋善用道者終無害以天為蓋覆無

涯而皆善以地為軫運無窮而莫言陳彼五

行必有勝金火相攻寒王遞作天之所覆無

不稱天道包弘各極故知不知上不知知病

也知無知者善不知強知者病也

老子曰山生金石生玉反相剝木生蟲還自

食人生事還自賊名顯道表事起害生夫好

事者未嘗不中爭利者未嘗不窮未有涉水

不濡其足萊應不始其身善游者溺善騎者

墮各以所好反自為禍矜其能喪厥功聘其

伎喪厥身也得在時不在爭治在道不在聖

時會自得不假力爭道在自尊何煩矜聖土

處下不爭高故安而不危水流下不爭疾故

去而不運道之所貴德之所尚不爭而高不

疾而速是以聖人無執故無失無為故無敗

道無形狀不可把握故執之則失又非形體

雖以雕刻故為之則敗也

老子曰一言不可窮也二言天下宗也三言諸侯雄也四言天下雙也貞信則不可窮道德則天下宗舉賢德諸侯雄惡少愛眾天下雙兼得四句者上為皇為帝備得一言則下為霸為侯也

老子曰人有三死非命亡焉言非命人自取之也飲食不節簡賤其身病共殺之樂得無已好求不止刑共殺之以寡犯眾以弱陵強兵共殺之故死生在我禍福無門匪降自天

職就由人也

老子曰其施厚者其報美其怨大者其禍深薄施而厚望畜怨而無患者未之有也察其所以往者即知其所以不矣功高則報厚德深則怨大隨其輕重遠之恩怨也

老子曰原天命治心術姪好憎適情性即治道通矣原天命即不惑禍福治心術即不妄喜怒理好憎即不貪無用適情性即欲不過節不惑禍福即動靜順理不妄喜怒即賞罰不阿不貪無用即不以欲害性欲不過節即

養生知足凡此四者不求於外不假於人反已而得矣明此四者可謂大通不困於人者已而已

老子曰不求可非之行不憎人之非已無滿許之行人何非我懷仁恕之情我無尤人也

修足譽之德不求人之譽已自修已德不求人譽不能使禍無至信已之不迎也不能使禍必來信已之不讓也不能防不測之禍信命不違不能要必至之福求者當受也禍之

至非已之所生故窮而不憂福之來非已之所成故通而不矜禍生非已雖禍而何憂禍至非我雖福而何恃也是故閑居而心樂無為而治恬泊優游而已

老子曰道者守其所已有不求其所未得求其所未得即所有者止循其所有即所欲者至已有者一身之精神未有者多方之伎術

今廢已有之精神新未得之方術未得者夫至所得者已忘不保得一之由難追而失之悔故至人守其本不尋其末貴得於內不制於外也治未固於不亂而事為治者必危行

未免於無非而急於名者必挫本固邦寧用行不辱故福莫大於無禍利莫大於不喪無禍之福福之厚矣無喪之利利之大矣故物或益之而損損之而益唯無禍福則無損益夫道不可勸就利者而可以安神避害道者不可誘以利無利則無害故神自安道自來

也故嘗無禍不嘗有福嘗無罪不嘗有功無禍無福無罪無功是謂大通道曰芒芒昧昧從天之威與天同氣無思慮也無設備也道曰道君也若昧謂道窮冥不可得見今但法天以差為身以無為心不慮而成不勞而物

種也來者不迎去者不將任其自得人雖東西南北獨立中央身應物而無窮運居而得運故處眾枉不失其直曲全故大與天下並流不離其域至氣流轉真精常存不為善不避醜遵天之道不為始不專已循天之理不豫謀不棄時與天為期不求得不辭福從天之則天無心不言而萬物生人無為不謀而百事遂內無奇福外無奇禍故禍福不生焉有人賊凡有禍即有禍今禍福已冥孰為

人賊害故至德言同路事同福上下一心無歧道旁見者進退章之於衰開道之於善而民向方矣偏見不足以化俗正道而可以誘

老子曰為善即勸為不善即觀勸即生責觀

即生患勸勉也觀察也夫人為善當日自勉之有不善者察見已過則向方矣是不勉其為善矣若以己為善察求人之不善而責之者則有患矣故勸為善而不善矣故道不可以進而求名可以退而修身故聖人不以行求名不以知見求譽治隨自然已無所與進不飾智以求名退而修身以自治推之自然立時人舉也為者有不成求者有不得人有窮而道無通人有求而不得道無為而自用有智而無為與無智同功有能而無事與無能同功有智若無智有能若無能道理達而人才滅矣夫志德內充人才外滅者故有若無實若虛也人與道不兩明人愛名即不用道道勝人則名息道息人名章即危亡道須一致事不兩全

老子曰使信士分財不如定分而探籌何則有心者之於平不如無心者使廉士守財不如閉戶而全封以為有欲者之於廉不如無欲者也探籌絕疑於無心廉士見藉於有欲人舉其疵則怨鑑見其醜即自喜賢者舉過而思改惡者自嫌而為善人能接物而不與已即免於累矣先人後已終身無咎

老子曰凡事人者非以實幣必以卑辭幣單而欲不厭君子不重寶幣服次謙敬人能行之久而無厭也卑體免辭論說而交不結約

東華盟約定而反先日君子之交不假結約一言而定終身不易小人之交要以誓盟未盈句時以連誓要也是以君子不外飾仁義而內修道術內秉真淳外無虛飾修其境內之事盡其地方之廣厲其民死堅其城郭上下一心與之守社稷即為名者不伐無罪為利者不攻難得此必全之道必利之理與民同利民樂死之與民同心民共守之求名者不貪溢為利者不爭分此必全之道即社稷共守都境同固也

老子曰聖人不勝其心衆人不勝其欲心勝則道全欲勝則身危君子行正氣小人行衰氣內便於性外合於義循理而動不繫於物者正氣也推於滋味淫於聲色發於喜怒不顧後患者衰氣也衰與正相傷欲與性相害不可兩立一起一廢故聖人損欲而從性目好色耳好聲鼻好香口好味合而說之不離利害嗜欲也耳目鼻口不知所欲皆心為之制各得其所由此觀之欲不可勝亦明矣六情所欲一心為制氣正於中則欲不害性心

東於外則偽已誠真故知求正在我與奪因心且一心自正羣物何累也

老子曰治身養性者節寢處適飲食和喜怒便動靜內在已者得言不外求而衰氣無由入飾其外傷其內扶其情者害其神見其文者蔽其真夫須臾忘為賢者必因其性言人賢不可暫忘若須臾離之必受困辱百步之中忘其為容者必累其形夫補身御性必宜節飲食和使心氣內平而神明可保君子慎微不在於遠雖十步之內必慮打株之患須

共守都境同固也

史之間幸遇非意之事安可忌哉故羽器美者傷其骸骨枝葉茂者害其根莖能兩美者天下無之有華以文彩見害春華以芳菲見折物有雙美事能兼濟未之有也

老子曰天有明不憂民之晦也地有財不憂

民之貧也天之道明照大闢至幽能察地之利有於萬物廣濟無遺也至德道者若丘山塊然不動行者以為期直已而足物不為人賜用之者亦不受其德故安而能久天地無與也故無奪也無德也故無怨也至人者勢

名不能動欲害不能傾塊然獨處踈然山峙以其常足不受賜與脫其所取輒亦無讓故與之不得奪之無怨故能長久也善怒者必

多怨善與者必善奪唯隨天地之自然而能勝理起喜怒之域忘與奪之情任之自得以

全天理也故譽見即毀隨之善見即惡從之利為害始福為禍先不求利即無害不求福

即無禍身以全為常富貴其寄也舉者人之所美善者人之所慕似不欲顯顯則有以有怨非待絕善譽將無怨若不於不伐自然無

初無福道德自全全身為常富貴若寄也老子曰聖人無屈奇之服詭異之行服不雜行不觀服不驚來行不異人通而不華窮而不懽榮而不顯隱而不窮異而不乖窮通命也故不華不懽榮隱時也故不顯不辱雖異於人何足怪也同用無以名之是謂大通無則無澤是為大通也

老子曰道者直已而待命時之至不可迎而

返也時之去不可追而援也故聖人不進而

求不退而讓玉身保命直道從時不將不迎也

隨時三年時去我走去時三年時在我後

無去無就中立其所此言先之大過後之不

及唯迎之無前隨之無後獨立其中而安其

所也天道無親唯德是與福之至非已之所

求故不伐其功禍之來非已之所生故不悔

其行前已釋也中心其恬不累其德非譽不

能始寵辱不能驚狗吠不驚自信其情誠無

非分自明無非故不誇懼故通道者不感知命者不憂知道知命何憂何懼帝王之崩藏

散於野其祭也祀之於明堂神貴於形也言

古帝王歸骸於野不封不樹示民有終祀神明堂不詭不濫示民知嚴也故神制形則從形勝神則窮聰明雖用必及諸神謂之大通依神形全縱欲神遊自非明達莫能保之

老子曰古之存己者樂德而忘賤故名不動志樂道而忘貧故利不動心是以謙而能樂靜而能澹道德備身貧賤無恥心志不虧名利不惑故能謙之衆矣靜而澹然也以數集之壽憂天下之亂猶憂河水之涸涸而益之也故不憂天下之亂而樂其身治者可與言

道矣論人不憂壽之將盡而憂天下之不治是猶泣數滴之淚欲增洪河之流無益之謂也唯忘治人而治其身可與言乎道

老子曰人有三怨爵高者人妬之官大者主

惡之祿厚者人怨之高而能卑厚而能散自

保元吉也夫爵益高者意益下官益大者心

益小祿益厚者施益博修此三者怨不作故

貴以賤為本高以下為基二者不修殃及已

身

老子曰言者所以通已於人也聞者所以通

人於己也言已情以遠人情得人意以通已
意既聞且聾人道不通故有聞聾之病者莫
知事通豈獨形骸有聞聾哉心亦有之塞也
目不觀大山耳不聞雷霆此形骸之聞聾有
聚疑鹿馬智昏菽麥此人之聞聾也即事不
辨此大道哉莫知所通此聞聾之類也夫道
之為宗也有形者皆生焉其為親也亦戚矣
饗殺食氣者皆壽焉其為君也亦惠矣諸智
者學焉其為師也亦明矣生以道為親無非
而形焉其為親也大矣執與氣為君非壽而
壽焉其為惠也厚矣智以學為師非師而師
焉其明至矣人皆以無用害有用動無用之
事傷有涯之情故知不博而日不足君子常
以所知求遠馮日不足以自勉勵也以博奕
之日問道聞見深矣移博奕之功而專道德
可欲深妙矣問與不問猶聞聾之比於人也
不聞不問是謂聞聾之人也
老子曰人之情必服於德不服於力可以德
制不可以力爭也德在與不在來德施於人
不望來報是以聖人之欲貴於人者先貴人

欲尊於人者先尊人欲勝人者先自勝卑人
者先自卑故貴賤尊卑道以制之夫古之聖
王以其言下人以其身後人即天下樂推而
不厭戴而不重此德重有餘而氣順也故知
與之為取後之為先即幾於道矣尊人者非
尊其人而取尊先人者非先其人而取先是
氣順於道德歸諸已故推而不厭戴而不重
也
老子曰德少而寵多者譏才下而位高者危
無大功而有厚祿者微故物或益之而損或
損之而益才或稱譏危必至損益相隨禍
福斯驗者也衆人皆知利利而不知病病唯
聖人知病之為利利之為病衆人知利為利
不知以利為病聖人知利是病以不病為利
也故再實之木其根必傷掘藏之家後必有
殃夫大利者反為害天之道也木之再成者
必傷其根家藏寶貨者必殃其身謂非意而
得者先利後害天之道也
老子曰小人從事日苟得君子日苟義為善
者非求名者也而名從之名不與利期而利

歸之所求者同所極者異小人從事以苟得
為利利從而害之君子直道不以利為期而
名歸之故受利同而遇害異也故動有益則
損隨之言無常是得無常宜者小人也不但
其德或米之差察於一事通於一能中人也
所見不用拘於一域兼覆而并有之技能而
才使之者聖人也無姦去衣任賢使能此聖
人也
老子曰生所假也死所歸也故世治即以義
衛身世亂即以身衛義死之日行之終也世
治即以義保身世亂即以身死義故君子有
益於人雖殺身不恨故視死若歸猶生之年
也故君子慎一用之而已矣依道而行動不
乖正故生受於天也命遭於時也有其才不
遇其世天也求之有道得之在命遇時也不
遇天也得之不喜失之不怨也君子能為善
不必得其福不忍而為非未必免於禍君子
為善未必求福去非未必能避禍終不捨義以
求福易行而脫禍何則如是性不可革心苟
無二故也故君子逢時即進得之以義何幸

之有不時即退讓之以禮何不幸之有故雖處貧賤而猶不悔者得其所貴也君子進不以爲幸退得之也不過不以爲恥悔何有焉所存道義豈吝貧賤哉

老子曰人有順逆之氣順逆之氣生於心心治則氣順心亂則氣逆心之治亂在於道德得道則心治失道即心亂心治即交讓心亂即交爭讓即有德爭即生賊有德即氣順賊生即氣逆一其心則順而正二其氣即逆而邪正則道隆邪則害生道存則神清清則和治賊生則氣濁濁則爭亂亂則且亂亡無日矣氣順則自損以奉人氣逆則損人以自奉二氣者可以道而制也難以事消可以道制天之道其猶響之報聲也德積則福至禍積則怨至人能行之天能鑒之善惡必臻有如影響官敗於官茂孝衰於妻子患生於憂解病甚於且瘡故慎終如始即無敗事也官敗夫於正法孝衰匪於私房憂雖暫解猶慮患生病雖且瘡仍宜節欲故慎終如始則無敗事也

老子曰舉枉與直如何不得舉直與枉勿與遂往所謂同汚而異泥者知人不易舉人必明今舉枉爲直以愚爲賢豈有同汚而異泥也

老子曰聖人同死生愚人亦同死生聖人之同死生明於分理愚人之同死生不知利害之所在聖人一死生不利彼此故無死生愚人異死生利在得失故淪死生道縣天物布地和在人人主不和即天氣不下地氣不上陰陽不調風雨不時人民疾飢道係於天物產於地中和在人人者天之精也之靈故爲人之主必和洽其氣安撫萬物則風雨不愆災害不作也

老子曰得萬人之兵不如聞一言之當得隋侯之珠不如得事之所由得和氏之璧不如得事之所適一言有益萬兵非貴一事可專和璧非寶天下雖大好用兵者亡國雖安忘戰者危故小國寡民雖有什伯之器而勿用大國莫若修德小國莫若事人則征伐不與上下安泰也

老子曰能成霸王者必勝者也非道不御能勝敵者必德者也非德不勝能用人力者必得人心者也用賢者之力得衆人之心也能得人心者必自得者也自得者必柔弱者也柔弱不如己者至於若己者而格柔勝出於若己者其事不可度故能以衆不勝成大勝者唯聖人能之唯保謙柔衆不能勝故能成其勝也

通玄真經卷之四